

Wolof - Ndam Mbind - Deliverance Scriptures

Neyemi 13:2 Li ko waral moo di ñoo bañoona dabe bánni Israyil aw ñam wu ñu lekk ak ndox mu ñu naan, xanaa di fey Balaam, jibar ba, ngir mu rëbbal leen leen. Teewul sunu Yàlla soppi rëbb ga barke. (Baamtug Yoon wi 23:5)

Sabóor 44:4(5) Yaay kiy sama buur, di sama Yàlla, mayal askanu Yanqóoba ay ndam.

Sabóor 68:1(1,2) Mu jém ci njiital jàngkat yi, ñeel Daawuda, di woyu Sabóor. (2)
Yàllaay jóg, noonam ya tasaaroo; bañam ña daw, dëddu ko. (Màndiq ma 10:35)

Macë 6:13 Yàlla boo nu teg ci yoonu nattu, waaye yal nanga nu musal ci lu bon.
Ndaxte yaw yaa yellowo nguur ak kàttan ak màggaa, ba fàww. Amiin.” (Luug 11:4)

Macë 8:16 Ca ngoon sa ñu indil ko ñu bare ñu rab jàpp. Yeesu dàq rab ya ak kàddoom te faj ñi wopp ñépp.

Macë 10:1 Noonu Yeesu woo ca moom fukki taalibeem ya ak ñaar, jox léen sañ-sañu dàq rab yi, tey faj jàngoro yépp ak wéradi yépp. (Màrk 3:14,15)

Macë 10:8 Fajleen ñi wopp, dekkal ñi dee, fajleen °gaana yi te dàq rab yi. Cig neen ngeen ame, mayeleen cig neen.

Macë 12:26-29 Bu °Seytaane dàqee Seytaane nag, xeex na boppam; kon naka la nguuram di mana yàgge? 27 Te it bu fekkee ne man damay dàq ay rab ci kàttanu Beelsebul, seeni taalibe nag, ci gan kàttan lañu léen di dàqe? Kon ñoo leen di àtte. 28 Waaye bu fekkee ne ci Xelum Yàlla laay dàqe rab, kon nguuru Yàlla agsi na ba ci yéen. 29 «Su fi amee nit ku bare doole, te nit bëgg a dugg ci këram, nangu alalam, naka la koy defe? Xanaa dafay jëkk a yeew ku bare doole ka, ba noppo door a toj këram gépp. (Màrk 3:23-27)

Macë 12:43-45 «Boo xamee ne rab wa jàppoona nit génn na ci moom, day wér ay bérab yu wow, di wut fu mu nopaloo, waaye du ko gis. 44 Noonu da naan: “Naa dellu ca sama kér, ga ma génne woon.” Bu ñëwee nag, mu fekk kérug neen, ñu bale ko, defar ko ba lépp jekk. 45 Bu ko gisee nag, mu dem wooyi yeneen juróom ñaari rab yu ko gëna soxor, ñu dugg, sanc fa; ba tax muju nit kooku mooy yées njàlbéenam. Noonu lay nekke ak niti jamono ju bon jii.»

Macë 15:22,26,28 Ba mu fa àggee nag, jigéenu waa Kanaan, ja dëkk ca wàll yooyu, daldi génn, di wax ca kaw ne ko: «Yaw sang bi, °Sëtu Daawuda bi, yérém ma! Rab jàpp na sama doom ju jigéen, te dafa sonn lool.» 26 Yeesu ne ko: «Jël ñamu gone yi, sànni ko xaj yi, rafetul.» 28 Ci kaw loolu Yeesu ne ko: «Yaw jigéen ji, sa ngëm réy na; na am, ni nga ko bëgge.» Noonu

doomam daldi wér ca saa sa.

Macë 16:19 Dinaa la jox caabiy nguuru Yàlla Aji Kawe ji; li nga yeew ci àddina, dees na ko yeew ci asamaan; li nga yiwi ci àddina dees na ko yiwi ci asamaan.» (Macë 18:18)

Macë 17:19-21 Bi loolu amee taalibe ya ñëw ci Yeesu, laaj ko ci pegg: «Lu tax nun manunu woona dàq rab wi?» 20/21 Yeesu ne léen: «Seen ngëm gu néew a tax. Ci dëgg maa ngi leen koy wax, su ngeen amee ngëm gu tuuti sax niw peppu °fuddën, kon dingeen ne tund wii: “Jógeel fii, toxu fale,” te dina fa dem, ba dara du leen të.»

Màrk 1:23-26 Noonu am na ci jàngu bi nit ku rab jàpp. Mu daldi yuuxu naan: 24 «Yaw Yeesum Nasaret, loo nuy fexeel? Ndax dangaa ñëw, ngir alag nu? Xam naa la, yaa di Aji Sell, ji jóge ci Yàlla.» 25 Waaye Yeesu gëdd ko naan: «Noppil te génn ci moom!» 26 Noonu rab wi daldi sayloo nit ki te génn ci moom ak yuux gu réy.

Màrk 1:32-34 Ca ngoon sa nag, bi jant sowee, ñu indil Yeesu ñi wopp ñépp ak ñi rab jàpp ñépp, 33 ba dëkk bi bépp dajaloo ci buntu kér gi. 34 Noonu mu wéral ñu bare, ñu wopp ak ay jàngoro yu wuute, te dàq ay rab yu bare. Waaye mu tere rab yi, ñu wax dara, ndaxte xam nañu ko.

Màrk 1:39 Noonu mu wér ci diiwaanu Galile gépp, di waare ci seeni jàngu, tey dàq rab yi.

Màrk 5:8 Ndaxte Yeesu da ko ne: «Yaw rab wu bon wi, génnal ci nit ki.»

Màrk 6:7,13 Noonu mu woo ci moom fukki taalibe ya ak ñaar, jox léen sañ-sañu dàq rab yi, yónni léen, ñu ànd ñaar-ñaar. 13 Ñu dàq ay rab yu bare, te diw boppi jarag yu bare, wéral léen.

Màrk 9:23-25 Yeesu ne ko: «Nga ne: “Soo ko manee,” ku gëm man na lépp.» 24 Ci saa si baayu xale bi wax ci kaw naan: «Gëm naa, dàqal ma sama ngëmadi.» 25 Yeesu gis nag ne, mbooloo maa ngi daw, wërsi ko, mu daldi gëdd rab wi nag ne ko: «Génnal ci moom, yaw rab wu luu te tëx, te bu ko jàppaat; wax naa la ko.»

Màrk 9:29 Yeesu ne léen: «Yu mel ni yii, ñaan ci Yàlla rekk a léen di dàq.»

Màrk 9:38,39 Bi loolu amee Yowaana ne ko: «Kilifa gi, danoo gis nit kuy dàq ay rab ci sa tur, nu tere ko ko, ndax li mu bokkul ci nun.» 39 Waaye Yeesu ne ko: «Buleen ko tere, ndaxte kenn manula def kéemaan ci sama tur, ba noppo di ma xarab.

Màrk 16:17 Ñi ma gëm dinañu ànd ak firnde yii: ci sama tur dinañu dàq rab yi, di wax làkk yu bees,

Luug 4:18 «Xelum Boroom baa ngi ci man, ndaxte moo ma tànn, ngir ma yégal néew doole yi xibaaru jàmm bi. Dafa maa yónni, ngir ma yégal jaam ñi ne dinañu léen goreel, yégal gumba yi ne dinañu gis, te jot ñi ñu not, (Isaiah 61:1)

Luug 4:34-36 «Moo! Yaw Yeesum Nasaret, loo nuy fexeel? Ndax dangaa ñëw ngir alag nu? Xam naa la, yaa di Aji Sell ji jóge ci Yàlla!» 35 Waaye Yeesu gëdd ko naan: «Noppil te génn ci moom!» Noonu rab wi daaneel nit ki ci suuf ci kanam ñépp, daldi génn ci moom te gaañu ko. 36 Bi loolu amee ñépp waaru, ñuy waxante ci seen biir naan: «Céy jii wax! Ci sañ-sañ ak doole lay sant rab yi, ñu daldi génn.»

Luug 4:41 Te it ay rab di génn ca nit ña te di yuuxu naan: «Yaay °Doomu Yàlla!» Noonu mu gëdd léen, te mayu léen, ñu wax dara, ndaxte xam nañu ne mooy °Almasi bi.

Luug 7:21 Ca waxtu woowa Yeesu wéral nit ñu bare ci seeni feebar ak ci seeni metit, di dàq ay rab tey gisloo ay gumba.

Luug 8:29 Dafa wax loolu, ndaxte Yeesu santon na rab wi, mu génn ci moom. Rab wa dafa ko doon farala jàpp. Nit ñi daan nañu ko wottu, di ko yeew ak ay càllala, ak di ko jéng, mu di léen dagg, rab wi di ko xiir ca bérab yu wéet.

Luug 9:40 Ñaan naa say taalibe, ñu dàq ko, waaye manuñu ko.»

Luug 10:17-20 Juróom-ñaar-fukki taalibe yi ak ñaar dellusi, fees ak mbég te naan: «Boroom bi, rab yi sax déggal nañu nu ndax sa tur.» 18 Yeesu ne leen: «Maa ngi doon séen Seytaane wàcce asamaan ni safaras melax. 19 Gis ngeen, jox naa leen sañ-sañu joggi ci jaan yi ak ci jiit yi, daan dooley bañaale bi, te dara du leen man a gaañ. 20 Moona li leen rab yi déggal, bumu tax ngeen bég, waaye bégleen ndax li ñu bind seen tur ci asamaan.»

Luug 11:14 Am bés Yeesu dàq rab wu luu. Naka la rab wa génn, luu ba daldi wax, ba mbooloo may yéemu.

Luug 11:20-22 Waaye bu fekkee ne ci baaraamu Yàlla laay dàqe rab, kon nguuru Yàlla agsi na ba ci yéen. 21 «Su nit ku bare doole gànnaayoo, di wottu këram, alalam dina raw. 22 Waaye bu ku ko ëpp doole ñëwee, daan ko, dafay nangu gànnaay ya mu yaakaeroon, ba noppi séddale alal ja.

Luug 13:32 Noonu mu ne léen: «Demleen ne bukki boobu ne ko: "Xoolal, maa ngi dàq rab yi tey wéral nit ñi tey ak suba. Ca ñetteelu fan ba, ma àgg fa ma Yàlla jëmale."

Yowaana 14:12 Ci dëgg-dëgg maa ngi leen koy wax: képp ku ma gëm dina def, moom itam, jëf yi may def. Dina def sax yu gëna màgg, ndaxte maa ngi dem ci Baay bi.

Yowaana 17:15 Ñaanuma nga jële léen àddina, waaye nga yiir léen ci °Ibliis.

Jëfi Ndaw ya Kirist Yónni 10:38 Xam ngeen ne Yàlla fal na Yeesum Nasaret, sol ko °Xel mu Sell mi ak kàttan; muy wér, di def lu baax ak di faj ñépp ñi nekkoon ci kilifteefu °Seytaane, ndaxte Yàlla ànd na ak moom.

Jëfi Ndaw ya Kirist Yónni 16:17,18 Mu daldi topp ci Pool ak nun, di xaacu ne: «Nit ñii jaami Yàlla Aji Kawe ji lañu; ñoo leen di yégal yoonu mucc.» 18 Muy def noonu ay fani fan, waaye bi ko Pool xajootul, mu waññiku ne rab wa:

«Sant naa la ci turu Yeesu °Kirist, génnal ci moom.» Noonu rab wa ne mëll, génn ci moom.

Jëfi Ndaw ya Kirist Yónni 19:11,12 Booba Yàllay def ay kéemaan yu ràññiku yuy jaar ci loxoy Pool. 12 Nu yóbbul sax ñi wopp ay kaala ak ay taraxlaay yu laaloon yaramam, ba jàngoro yi di léen bàyyi, rab yay génn ci ñoom.

Jëfi Ndaw ya Kirist Yónni 26:15-18 «Noonu ma ne ko: "Yaa di kan, Boroom bi?" Boroom bi ne ma: "Maa di Yeesu, mi ngay fitnaal. 16 Waaye jógal taxaw. Lii moo tax ma feeñu la: teg naa la yen, nga di ma seedeel ci lépp li nga gis ci man ak li ma lay feeñuji. 17 Dinaa la musal ci bànni Israyil ak ci ñi dul Yawut. Ci ñoom laa lay yebal, 18 ngir ubbi seeni bët, nga jële léen ci lëndëm, tàbbal léen ci leer, nga nangoo léen ci sañ-sañu °Seytaane, waññi léen ci Yàlla, ma baal léen seeni bàkkaar te may léen cér ci biir sama gaa yi sell ci kaw ngëm."

Room 16:20 Su ko defee Yàlla Boroom jàmm dina not °Seytaane ci seeni tànk léegi.

2 Korent 2:11 ngir °Seytaane baña am bunt bu mu jaar ba nax nu, ndaxte réerewunu mbir ay pexeem.

Galasi 1:4 moom mi joxe bakkanam ngir dindi sunuy bàkkaar, te musal nu ci àddina su bon, si nu nekk, dëppook coobarey Yàlla sunu Baay,

Efes 4:27 ba ngeen may °Seytaane bunt.

Efes 6:11 Gànnayaoleen yérey xarey Yàlla yépp, ngir man a jànkoonte ak pexey Seytaane.

2 Tesalonig 3:2,3 Ngeen ñaanal nu it, ngir nu mucc ci ñi bon te soxor, ndaxte du ñépp a gëm. 3 Waaye Boroom bi kuy sàmm kóllëre la; dina leen dëgëral te musal leen ci °Ibliis.

2 Timote 2:26 ñu rëcc ci firug Seytaane, mi leen jàpp niy jaam, te ñu dellusi ci seen xel yu rafet, ba sóobuwaat ci coobareg Yàlla

2 Timote 4:18 Rax-ca-dolli dina ma musal ci bépp jëf ju ñaaw, tette ma ci jàmm, ba tàbbal ma ci nguoram gu kawe ga. Yal na yellow ndam ba fàww. Amiin.

1 Piyeer 5:8 Maanduleen te foog, ndaxte seen noon °Seytaane mu ngi wër, ni gaynde guy yëmmu, di rëbb ku mu yàpp.

1 Yowaana 4:4 Yéen samay doom, ci Yàlla ngeen bokk, te daan ngeen yonent yu naaféq yooyu, ndaxte ki nekk ci yéen moo ëpp doole ki nekk ci àddina.